

Testa bu kabesa pa COVID-19

Uza un kit di auto-testi é un manera rápidu y fásil di sabe si bu tene COVID19. Testa bu kabesa pode ka ser tau sertu komu faze testi ku un prufisional. Mas uza un auto-testi é un opson si bu ka ta konsige bai na un lugar di faze testi. Sirtifika ma bu ta sigi instruson di kit sima sta.

Kuandu ki bu debe uza auto-testi di COVID-19



Testa bu kabesa antis diikontra ku otus na spasu fitxadu, prinsipalmenti ku kualker algen ki ka sta vasinadu, é imunokunprutmitid, ô ten risku di duensa gravi.



Testa bu kabesa si bu tene sintomas di COVID-19 y bu ka konsige bai ti un lugar pa faze testi (només Anglès). Fika na kaza y lonji di otus algen si bu sta duenti.

Kuzé ki bu debe faze dispòs di testa bu kabesa pa COVID-19

Pa subimete rizultadu di bu auto-testi pa Dipartamentu di Saúdi di Rhode Island, vizita portal.ri.gov/s/selftest.

+ **Si bu auto-testi da puzitivu**, ker dizer ma testi diteta virus, y mutu pruvavelmenti bu tene COVID-19. Fika na kaza (izuladu) pa pelu menus 5 dia. Algen ku COVID-19 meste fika izuladu mesmu si es ka tiver sintoma. Pa más informason sobri izulamentu, vizita covid.ri.gov/whattodo (només Anglès).

Ten tratamentus ifikas pa infeson ku COVID-19. Un prufisional di saúdi pode trata-u pa COVID-19 ku bazi na rizultadu di un auto-testi. Es pode ta kre faze-u testi otu bes pa sirtifika ma bu auto-testi sta sertu. Pa más informason sobri tratamentu, vizita covid.ri.gov/treatment (només Anglès).

Txoma pa 911 ô bai ti ospital más pertu si bu ta atxa ma bu sta ten un imerjénsia médiku. Kel-li pode inklui difikuldádi na respira, dor pirsistenti ô prison na petu, un konfuzon ripentinu, inkapasidádi di korda ô fika kordadu, ô bexu ô rostu azuladu.

- **Si bu ato-testi da nigativu**, ker dizer ma testi ka diteta virus.

- Si bu faze testi inkuantu bu sta xintiba sintomas y bu sigi instruson ku kuidadu, un rizultadu nigativu ker dizer ma bu duensa pruvavelmenti ka é COVID-19.
- É kapas di algen ki tene COVID-19 da un rizultadu nigativu na un auto-testi. Kel-li ta txomadu falsu nigativu. Tanbe bu pode testa nigativu si bu amostra rikolhedu mutu sedu na bu piriudu di infeson.

? **Si bu ta atxa ma rizultadu di bu auto testi pode sta inkuretu**, bu debe faze un otu auto testi dentu di alguns dia, ku pelu menus 24 ora di diferensa entri testis. Tanbe bu pode faze otu testi na un lugar di faze testi di Stadu, farmásia lukal, klinika respiratóriu, ô ku un prufisional di saúdi.

Pa más informason sobri modi ki bu debe faze testi pa COVID-19, vizita covid.ri.gov/testing (només Anglès).

12/31/2021